



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy,
Displaced Persons and Refugees

Broj: 13-04-11202-3/25
Sarajevo, 08.07.2025. godine

PARLAMENT FEDERACIJE BiH
Predstavnički/Zastupnički dom
Hamdij Kreševljakovića broj 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 09-07-2025			
Org. jed.	Broj	Priloga	Vrijednost
05/1	- 02-	178	/25

Predmet: Odgovor na zastupničko pitanje, dostavlja se

Marijana Hrvić-Šikuljak, zastupnica u Predstavničkom domu Parlamenta Federacija BiH, postavila je na 19. redovnoj sjednici održanoj 02.04.2025. godine **zastupničko pitanje** koje glasi:

Šta su Ministarstvo za rad i socijalnu politiku Federacije BiH, Ministarstvo civilnih poslova BiH, Zavod za zapošljavanje FBiH, kantonalna ministarstva rada i Radna grupa uradili do sada kada je u pitanju inicijativa Evropske komisije Garancija za mlade u Bosni i Hercegovini?

Kada će biti sproveden pilot projekat u Visokom i Čitluku u okviru inicijative Evropske Komisije Garancija za mlade u BiH?

Kada će finalni dokument Akcioni plan Garancije za mlade biti dostupan Komisiji za pitanja mladih Predstavničkog doma Parlamenta Federacije BiH?

Da li je Evropska komisija dala konkretna mišljenja, komentare i eventualne korekcije na isti?

Odgovor:

Kanton Sarajevo je prepoznat kao jedna od vodećih jedinica lokalne samouprave koja učestvuje u **pilot-projektu implementacije Garancije za mlade**, uz podršku Evropske unije. Nosilac aktivnosti u Kantonu Sarajevo je **Ministarstvo za nauku, visoko obrazovanje i mlade**, koje koordinira izradu strateških dokumenata relevantnih za mlade, uključujući i dokument Garancije za mlade.

U tom kontekstu, u toku je usvajanje od strane Skupštine KS **Strategije prema mladima Kantona Sarajevo 2024–2030**, koja predstavlja ključni strateški dokument usklađen sa Zakonom o mladima FBiH, Zakonom o strateškom planiranju i upravljanju razvojem u FBiH i Strategijom razvoja KS 2021–2027. Dokument se izrađuje uz stručnu podršku **Instituta za društvena istraživanja – Fakulteta političkih nauka Univerziteta u Sarajevu**, a na osnovu Rješenja Vlade KS o formiranju Komisije i Radne grupe.

Ministarstvo za rad, socijalnu politiku, raseljena lica i izbjeglice Kantona Sarajevo aktivno je učestvovalo u procesu izrade Strategije putem imenovanog predstavnika Ministarstva u Radnoj grupi. Također, Ministarstvo je kroz nacrt Strategije i Akcioni plan Garancije za mlade dobilo **određene nadležnosti i zaduženja**, posebno u dijelu koji se odnosi na socijalnu inkluziju,

podršku ranjivim kategorijama mladih te jačanje međuresorne saradnje u cilju stvaranja održivih mjera za zapošljavanje i osnaživanje mladih.

Strategija sadrži konkretne mjere i politike usmjerene na:


- jačanje zapošljivosti i poduzetništva mladih,
- povezivanje obrazovnog sistema sa tržištem rada,
- promociju zdravlja i socijalne uključenosti,
- jačanje uloge mladih u kulturi, sportu i društvenom životu.

Kroz implementaciju Garancije za mlade i izradu sveobuhvatne Strategije, Kanton Sarajevo pokazuje opredijeljenost ka stvaranju održivih politika za mlade, utemeljenih na razvojnim principima i evropskim praksama. Završetak izrade strateškog okvira planiran je tokom 2025. godine, a dokumenti će biti dostavljeni relevantnim institucijama, uključujući Komisiju za pitanja mladih Parlamenta Federacije BiH.

U prilogu dostavljamo i odgovor JU „Služba za zapošljavanje Kantona Sarajevo“ na postavljeno pitanje.

S poštovanjem,

Pripremila: Nidžara Zekić, stručni saradnik



Kontrolisala:

Amira Gackić, sekretarka Ministarstva



Prilog:

- Kao u tekstu

Dostaviti:

1. Naslovu
2. a/a

204.1
1955


Bosna i Hercegovina
Federacija Bosne i Hercegovine
KANTON SARAJEVO
Javna ustanova "Služba za zapošljavanje
Kantona Sarajevo" Sarajevo
SARAJEVO



Bosnia and Herzegovina
Federation of Bosnia and Herzegovina
CANTON SARAJEVO
Public Institution "Employment Service of
Canton Sarajevo" Sarajevo
SARAJEVO

Broj: 01/1-34-0603/25
Sarajevo, 08.05.2025. godine

KANTON SARAJEVO
Ministarstvo za rad, socijalnu
politiku, raseljena lica i izbjeglice
Ul. Reisa Džemaludina Čauševića br. 1
71 000 Sarajevo



Predmet: Zastupničko pitanje - Garancija za mlade, Informacija
Veza: Vaš akt broj: 13-04-11202-2/25 od 17.04.2025. godine

Javna ustanova „Služba za zapošljavanje Kantona Sarajevo“ Sarajevo, dana 30.04.2025. godine, zaprimila je vaš akt (broj i datum veze), u čijem prilogu dostavljate zastupničko pitanje koje je Marijana Hrvic-Šikuljak, zastupnica u Predstavničkom domu Parlamenta Federacije BiH postavila na 19. redovnoj sjednici održanoj 02.04.2025. godine. Budući da se pitanje odnosi i na službe za zapošljavanje, molite da vam dostavimo odgovor koji ćete dalje proslijediti Skupštini Kantona Sarajevo i Stručnoj službi Vlade Kantona Sarajevo.

Postupajući po vašem aktu, a nakon razmatranja dostavljenog zastupničkog pitanja, informišemo vas o sljedećem.

Aktivnosti vezane za implementaciju evropskog projekta "Garancija za mlade" u Javnoj ustanovi "Služba za zapošljavanje Kantona Sarajevo" Sarajevo nije bilo.

Navedenim Programom je planirano da uz koordinaciju Ministarstva civilnih poslova BiH, Bosna i Hercegovina ostvari potpuni pristup Programu Garancija za mlade. Program je instrument Evropske unije koji osigurava da svi mladi mladi od 25 godina dobiju kvalitetnu ponudu zaposlenja, nastavka obrazovanja, pripravništva ili pripravničkog staža u roku od četiri mjeseca nakon što su postali nezaposleni ili napustili formalno obrazovanje.

Federalno ministarstvo rada i socijalne politike saopćilo je da je Informacija Ministarstva o dosadašnjim aktivnostima u provedbi modela Garancije za mlade, usvojena na sjednici Vlade FBiH 16. decembra 2024. godine, značajan korak ka njenoj punoj provedbi u Federaciji BiH.

Informacija sadrži i prijedlog Akcionog plana za provedbu ovog modela, koji će postati sastavni dio Akcionog plana BiH.

Garancija za mlade, koja je utemeljena u obavezama Bosne i Hercegovine u procesu evropskih integracija, ima za cilj da osigura kvalitetne ponude za posao, nastavak obrazovanja, pripravništvo ili stručno usavršavanje svim mladim osobama do 30 godina, unutar četiri mjeseca od završetka školovanja ili prestanka zapošljavanja.

Model Garancije za mlade pilotiran je u Zeničko-dobojskom i Hercegovačko-neretvanskom kantonu, s ciljem testiranja različitih pristupa i prikupljanja podataka koji će biti korišteni za izradu konačnog Akcionog plana. Svi prikupljeni podaci sada čine sastavni dio ovog plana, koji je zasnovan na realnim potrebama mladih, zasnovanim na specifičnostima svakog kantona.



Nakon završetka pilot faze, pristupit će se analizi podataka prikupljenih u Visokom i Čitluku, a cilj je da se finalni plan temelji na stvarnim potrebama mladih iz Federacije BiH. Ovaj plan postaviti će temelje za implementaciju Garancije za mlade u cijeloj Federaciji, što će omogućiti mladima brži pristup zaposlenju ili daljnjem obrazovanju.

Prvi Akcioni plan za provedbu Garancije za mlade pokriva period 2024. – 2027. godina, te da je pilotiranje pružanja usluga u okviru ovog modela planirano za 2026. godinu. Planirane su i izmjene zakonodavnog okvira, izrada podzakonskih akata, te reforme politika za upravljanje sistemom Garancije, kao i uspostavljanje mehanizama za praćenje i evaluaciju kroz EMCO indikatore.

Federalno ministarstvo rada i socijalne politike kao koordinator Garancije za mlade u Federaciji BiH nastaviti će koordinirati aktivnosti sa kantonalnim ministarstvima, službama za zapošljavanje, obrazovnim institucijama, te organizacijama civilnog društva.

Najvjerovatni će se u što skorije vrijeme "Garancija za mlade" obavezno implementirati i u programe mjera zapošljavanja, uz obavezu da te mjere sadrže mogućnost/ponudu da svi mladi mlađi od 25 godina dobiju kvalitetnu ponudu zaposlenja, nastavka obrazovanja, pripravništva ili pripravničkog staža u roku od četiri mjeseca nakon što su postali nezaposleni ili napustili formalno obrazovanje, kao i što veću ponudu omogućavanja strukovnog usavršavanja.

S poštovanjem,


DIREKTORICA

Aminah Dzonlagić

Dostavljeno:

- ☒ Naslov
- Evidencija
- a/a

Sarajevo, Doke Mazalića 3,
web-stranica: www.szks.ba; e-mail adresa: info@szks.ba
Tel: ++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun



Broj: 01-02/2-1253/25 SK/JKB/EB
Sarajevo, 07.07.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gđin Dragan Mioković, predsjedavajući
n/r gđa Marijana Hrvić-Šikuljak, zastupnica

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno:		08-07-2025	
Org. jed.	Broj	Priloga	Vrijednost
05/1	-02-	236	/25

Predmet: Odgovor na zastupničko pitanje, **dostavlja se**

Veza: Akt predsjedavajućeg Predstavničkog doma Parlamenta Federacije BiH, broj: 05/1-02-236/25 od 28.04.2025. godine i akt sekretara Vlade Federacije Bosne i Hercegovine broj: 03-04-262-4/2025 od 30.04.2025. godine

Poštovani,

U vezi sa zastupničkom inicijativom, koju je podnijela Marijana Hrvić-Šikuljić, zastupnica u Predstavničkom domu Parlamenta Federacije BiH, a koja glasi "Inicijativa za hitno rješavanje problema u Federaciji BiH nastalih zbog donošenja Odluka Vlade FBiH o minimalnoj plaći i hitnog provođenja fiskalnih reformi kako bi se zaštitila radna mjesta i rasteretili poslodavci" u skladu sa nadležnostima Ministarstva dostavljamo slijedeći odgovor:

Federalno ministarstvo rada i socijalne politike je u okviru svoje nadležnosti pokrenulo aktivnosti na donošenju Uredbe o mjerama finansijske pomoći humanitarnim, socijalnim i obrazovnim djelatnostima u Federaciji BiH u cilju održavanja postojećih radnih mjesta za 2025. godinu. Uvažavajući ograničenja makroekonomske politike, Vlada Federacije BiH ovom Uredbom namjerava pomoći poslodavcima koji obavljaju humanitarnu, socijalnu i obrazovnu djelatnost u cilju održavanja postojećih radnih mjesta za 2025. godinu.

Navedenom Uredbom bi se prevazišli potencijalni problemi nastali Odlukom o povećanju minimalne plate za poslodavce koji obavljaju humanitarnu, socijalnu i obrazovnu djelatnost, na način refundacije već isplaćenog dijela plate u cilju održavanja postojećih radnih mjesta za 2025. godinu.

Kada se govori o Strategiji zapošljavanja u Federaciji Bosne i Hercegovine (2023-2030) ("Službene novine Federacije BiH", broj: 94/23), u fazi formulisanja navedene Strategije sagledani su ključni pokazatelji tržišta rada, politike zapošljavanja i institucija nadležnih za tržište rada, utvrđeni su ključni problemi, kao i aspekti u svrhu

prioritizacije politika, koja se odnosi, između ostalog, na izradu novog zakonskog okvira u oblasti zapošljavanja, u kojem će biti utvrđena nova zakonska rješenja koja predstavljaju dio reforme zakonodavstva u oblasti zapošljavanja, a u cilju unaprijeđivanja prava nezaposlenih osoba i uređenja sistema posredovanja u zapošljavanju u Federaciji BiH.

Trenutno je u procesu izrada Nacrta zakona o radu, koja je predviđjela unaprijeđenje tržište rada i zapošljavanja, kao i izrada konačnog teksta Zakona o posredovanju u zapošljavanju i socijalnoj sigurnosti nezaposlenih osoba. U skladu sa Strategijom zapošljavanja u Federaciji Bosne i Hercegovine (2023-2030) i Programom rada Federalnog ministarstva rada i socijalne politike, ovo Ministarstvo je pripremilo tekst Zakona o posredovanju u zapošljavanju i socijalnoj sigurnosti nezaposlenih osoba, koji je prihvaćen od strane Parlamenta Federacije Bosne i Hercegovine (na sjednici Predstavničkog doma održanoj dana, 22. i 23.10.2024. godine i na sjednici Doma naroda održanoj dana, 30.01.2025. godine), koji je donio zaključak da navedeni tekst Nacrta Zakona predstavlja dobru osnovu za izradu Prijedloga Zakona, te zadužio predlagača ovog Zakona da organizuje i sprovede javnu raspravu.

Shodno navedenom, Federalno ministarstvo rada i socijalne politike provelo je javnu raspravu o navedenom tekstu Zakona, te nakon provedene javne rasprave sačinilo konačan tekst Nacrta Zakona o posredovanju u zapošljavanju i socijalnoj sigurnosti nezaposlenih osoba, koji je poslat na mišljenje nadležnim institucijama.

Pored toga, sa aspekta nadležnosti ovog Ministarstva, s obzirom, da je Vlada Federacije Bosne i Hercegovine 30.12.2024. godine donijela Odluku o iznosu najniže plaće za 2025. godinu ("Službene novine Federacije BiH", broj: 104/24), a imajući u vidu da primjena iste može uticati na tržište rada, u cilju kontinuiranog praćenja stanja na tržištu rada u Federaciji Bosne i Hercegovine, zatražili smo od Federalnog zavoda za zapošljavanje i kantonalnih službi za zapošljavanje dostavljanje objedinjenih podataka o broju novoprijavljenih nezaposlenih osoba koje traže posao, broju osoba brisanih sa evidencije i broju zahtjeva za ostvarivanje novčane naknade po osnovu nezaposlenosti, koji se vode u kantonalnim službama za zapošljavanje.

U skladu s navedenim, a na osnovu analiza o kretanju navedenih statističkih podataka za prva tri mjeseca u 2025. godini, sa uporedbom na kretanje istih u januaru 2024. godini konstatovano je da u Federaciji Bosne i Hercegovine nisu evidentirane značajne promjene u kretanju na tržištu rada.

S poštovanjem,

MINISTAR

Adnan Delić

Dostavljeno:

- Naslovu
- a/a